

1.

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj: 49/06 i 51/09) a u vezi sa članom 41. Zakona o plaćama i naknadama u organima vlasti Federacije BiH („Službene novine Federacije BiH“ br. 45/10, 111/12, 20/17 i 22/19 Odluka US) i člana 39. Statuta Grada Gradačac („Službeni glasnik Grada Gradačac“, broj: 10/22), Gradonačelnik donosi,

P R A V I L N I K

o izmjenama i dopunama Pravilnika o načinu formiranja, kriterijima i utvrđivanju visine naknade za rad radnih tijela/komisija osnovanih od strane Gradonačelnika

Član 1.

U Pravilniku o načinu formiranja, kriterijima i utvrđivanju naknade za rad radnih tijela/komisija osnovanih od strane Gradonačelnika („Službeni glasnik Grada Gradačac“ broj 11/21) u članu 3. stav (3) iza riječi „dostavlja se“ dodaje se zarez i tekst „odmah po potpisivanju“ ostali dio teksta ostaje nepromijenjen.

Član 2.

U članu 6. stav (4) riječi „od 50,00 do maksimalno 300,00 KM mjesečno“ mijenjaju se i glase „od 30,00 do najviše 300,00 KM mjesečno“.

Član 3.

Ovaj Pravilnik stupa na snagu danom donošenja, a objavit će u „Službenom glasniku Grada Gradačac“.

Broj: 02-04-618/23
Gradačac, 03.03.2023. godine

Gradonačelnik
mr.sci. Edis Dervišagić

2.

Na osnovu člana 69. Zakona o organizaciji organa uprave u Federaciji Bosne i Hercegovine („Službene novine FBiH“ broj 35/05), člana 11. Zakona o finansijskom upravljanju i kontroli u javnom sektoru u FBiH („Službene novine FBiH“ broj 38/16), a u skladu sa Uredbom o naknadama troškova za službena putovanja („Službene novine FBiH“ broj 44/16, 50/16 i 31/23), i člana 39. stav (1) tačka 6. Statuta Grada Gradačac („Službeni glasnik Grada Gradačac“ broj 10/22), Gradonačelnik donosi:

P R A V I L N I K

o izmjenama Pravilnika o naknadama troškova za službena putovanja

Član 1.

U Pravilniku o naknadama troškova za službena putovanja („Službeni glasnik Grada Gradačac“ broj: 15/21) u članu 4. stav (1) riječi: „obuhvataju“ zamjenjuje se riječina „mogu uključivati“.

Član 2.

- (1) U članu 5. u stavu (3) nakon riječi „putovanja“ stavlja se tačka, a tekst u zagradi briše se.
- (2) U članu 5. stav (8) briše se, a dosadašnji stavovi (9), (10) i (11) postaju stavovi (8), (9) i (10).

Član 3.

Ovaj Pravilnik stupa na snagu danom donošenja a objavit će se u "Službenom glasniku Grada Gradačac".

Broj: 02-04-1261/23.
Gradačac, 12.05.2023. godine

Gradonačelnik
mr.sci. Edis Dervišagić